

lum non desinam, et in habitatiōne sancta coram ipso ministravi. Et sic in Sion firmata sum, et in civitate sanctificata similiter requievi, et in Jerusalem potestas mea. Et radicavi in populo honorificato, et in parte Dei mei hereditas illius, et in plenitudine sanctorum detentio mea. Quasi cedrus exaltata sum in Libano, et quasi cyprissus in monte Sion. Quasi palma exaltata sum in Cades, et quasi plantatio rosae in Jericho. Quasi oliva speciosa in campis, et quasi platanus exaltata sum juxta aquam in plateis. Sicut cinnamomum et balsamum aromatizans odorem dedi: quasi myrrha electa dedi suavitatem odoris: et quasi storax et galbanus et ungula et gutta, et quasi Libanus non incisus vaporavi habitatiōnem meam, et quasi balsamum non mistum odor meus.

R. Quae est ista quae ascendit sicut aurora consurgens, pulchra ut luna, electa ut sol? ***** Terribilis ut castrorum acies ordinata? **V.** Filia Sion, tota formosa et suavvis es, pulchra ut luna, electa ut sol. — Terribilis.

Lectio iij.

EGO quasi terebinthus extendi ramos meos, et rami mei honoris et gratiae. Ego quasi vitis fructificavi suavitatem odoris, et flores mei fructus honoris et honestatis. Ego mater pulchrae dilectionis, et timoris et agnitionis et sanctae spei. In me gratia omnis viae et veritatis: in me omnis spes vitae et virtutis. Transite ad me omnes qui concupiscitis me, et a generationibus meis implemini. Spiritus enim meus super mel dulcis, et hereditas mea super mel et favum. Memoria mea in generationes saeculorum. Qui edunt me, adhuc esurient, et qui bibunt me, adhuc sitient. Qui audit me, non confundetur: et qui operantur in me, non peccabunt. Qui elucidunt me, vitam aeternam habebunt.

R. Quae est ista quae processit sicut sol, et formosa tamquam Jerusalem? ***** Viderunt eam filiae Sion, et beatam dixerunt eam. **V.** Et sicut dies verni circumdabant eam flores rosarum et lilia convallium. — Viderunt. Gloria Patri. Viderunt.

In II. Nocturno.
Sermo sancti Bernardi
Abbatis.

De verb. Apocal. cap. 12.

Lectio iv.

Idelis plane et praepotens mediator Dei et hominum homo Christus Jesus. Nec ipsa mulier benedicta in mulieribus videbitur otiosa: inveniatur equidem locus ejus in hac reconciliatione. Opus est enim mediatore ad mediatorem Christum, nec alter nobis utilior quam Maria. Quid ad Mariam accedere trepidet humana fragilitas? Nihil austerum in ea, nihil terribile. Quod si (ut vere sunt) plena magis omnia pietatis et gratiae, plena mansuetudinis et misericordiae, quae ad eam pertinent, inveneris; age gratias ei qui talem tibi mediatricem benignissima miseratione providit. Omnibus omnia facta est, omnibus misericordiae sinum aperit, ut de plenitudine ejus accipiant universi: captivus redemptionem, aeger curationem, tristes consolationem, peccator veniam, justus gratiam, Angelus laetitiam, denique tota Trinitas gloriam.

R. Signum magnum ap-

paruit in caelo, mulier amicta sole, et luna sub pedibus ejus: ***** Et in capite ejus corona duodecim stellarum. **V.** Fundamenta ejus in montibus sanctis, diligit Dominus portas Sion super omnia tabernacula Jacob. — Et in capite.

Lectio v.

Nimirum ea est, quae velut alterum solem induit sibi. Quemadmodum enim ille super bonos et malos indifferenter oritur, sic ipsa quoque praeterita non discit merito; sed omnibus sese exorabilem, omnibus clementissimam, se praebet, omnium denique necessitates amplissimo quodam miseratur affectu. Nam et defectus omnis sub ea, et quidquid fragilitatis seu corruptionis est, excellentissima quadam sublimitate praeter ceteris omnibus excedit et supergreditur creaturis, ut merito sub ejus pedibus luna esse dicatur. **V.** Amplectemur Mariae vestigia, fratres mei, et devotissima supplicatione beatis illius pedibus provolvamur. Tenemus eam, nec dimittamus, donec benedixerit nobis. Virtus Altissimi obumbrabit tibi. Nihil itaque mirum, si sub tali

umbráculo talis étiam a muliere sustineátur amictus. Múlier amícta sole. Induimini Dóminum Jesum Christum. Quam familiaris ei facta es, Dómina! Quam próxima, imo quam íntima fieri meruísti! Quantam invenísti grátiam apud Deum! In te manet, et tu in eo; et vestis eum, et vestiris ab eo: vestis eum substantia carnis, et vestiris ab eo glória suæ majestátis.

R. Quæ est ista quæ progréditur quasi auróra consurgens: * Pulchra ut luna, electa ut sol? **V.** Quasi arcus refúlgens inter nébulas glóriæ, et quasi flos rosárum in diébus vernis. — Pulchra.

Lectio vij.

IN cápite, inquit, ejus coronastellárum duodecim. Dignum plane stellis coronári caput, quod et ipsis longe clárius micans ornet eas pótius quam ornétur ab eis. Quidni coronent sidera, quam sol vestit? Sicut dies verni circumdabant eam flores rosárum et lilia conválium. Quis illas aestimet gemmas? Quis stellas nóminet, quibus Mariæ régium diadéma compáctum est? Supra hóminem est coronæ hujus ratió-

nem expónere, indicáre compositionem. In ea fere spécie anno millésimo quingentésimo trigésimo primo mirabiliter picta Deiparæ imágo Méxici apparuisse fertur: quæ inibi loci prope Urbem, ubi pio neóphyto ædem sibi sacram prodígio dicitur designásse, magnífico excépta templo, ingénti cólitur populórum ac miraculórum frequéntia.

Quam propterea uti præsentissimum advérsus públicas privatásque calamitátes præsidium, Archiepiscopus Mexicánus, ut reliqui étiam illárum pártium Antístites, ómnium órdinum consensióne, in primáriam adlégit Novæ Hispániæ Patrónam, ritéque electam Benedictus décimus quartus auctoritáte apostólica declarávit, atque Offícium próprium et Missam sub título beátæ Virginitatis Mariæ Guadalupénsis recitari concessit.

R. Elégi et sanctificávi locum istum: * Ut sit ibi nomen meum, et permáneant óculi mei et cor meum ibi cunctis diébus.

V. Non fecit táliter omninóni et júdicia sua non manifestávit eis. — Ut sit. Glória Patri. Ut sit.

In III. Nocturno.

Léctio sancti Evangélii secúndum Lucam.

Lectio vij. Cap. i.

IN illo témpore: Exsurgens María abiit in montána cum festinátione in civitátem Juda. Et intrávit in domum Zachariæ, et salutávit Elisabeth. Et reliqua.

Homilia sancti Bernardi Abbátis.

De verb. Apocal. cap. 12.

MIrabátur Elisabeth persónam veniéntis, dicens: Unde hoc mihi, ut veniat mater Dómini mei ad me? Comendábat et vocem salutántis, adjiciens: Ut facta est vox salutatiónis tuæ in áuribus meis, exsultávit in gáudio infans in útero meo. Et beatificábat fidem credéntis: beáta, inquit, quæ credidisti. Magna quidem præcónia; sed et devóta humilitas, nihil sibi passa retinére, in eum magis univérsa refúdit, cujus in se benefícia laudabántur.

R. Felix namque es, sacra Virgo María, et omni laude digníssima: * Quia ex te ortus est sol justitiæ, Christus Deus noster. **V.** Ora pro pópulo, interveni pro clero, intercede pro devoto femíneo sexu:

séntiant omnestuum juvenem, quicumque celebrant tuam sanctam festivitatem. — Quia.

Lectio viij.

TU, inquit, magnificas matrem Dómini; sed magnificat ánima mea Dóminum. In voce mea filium pérhibes exsultasse in gáudio: sed exsultávit spíritus meus in Deo salutári meo: et ipse quoque tamquam amicum sponsi gaudet ad vocem sponsi. Beátam esse dicis, quæ credidisti; sed credulitátis et beatitudinis causa respéctus est supérnæ pietátis; ut ex hoc magis beátam me dicant omnes generatiónes, quia ancillam humilem et exiguam respéxit Deus. Verúntamen numquid putámus, fratres, Elisabeth sanctam in eo, quod per Spíritum útique loquebátur, errásse? Absit. Beáta plane quam respéxit Deus, et beáta quæ credidit. Hic enim magnus divínæ re-specctiúnis exstitit fructus.

R. Beátam me dicent omnes generatiónes: * Quia fecit mihi Dóminus magna, qui potens est, et sanctum nomen ejus. **V.** Et misericórdia ejus a progénie in progénies tíméntibus eum. — Quia. Glória Patri. Quia.

Lectio ix.

Ineffabili siquidem ar-
tificio Spiritus super-
veniens tantæ humilitati
magnanimitas tanta in
secretario virginei cordis
accessit, ut quod videli-
cet nec humilitas tanta
minuit magnanimitatem,
nec magnanimitas tanta
humilitatem. Sed cum in
sua æstimatione tam hu-
milis esset, nihilominus
et in promissionis credu-
litate magnanimis; ut quæ
nihil aliud, quam exi-
guam sese reputabat an-
cillam, ad inscrutabile
sacramentum nullatenus
se dubitaret electam, et
veram Dei et hominis ge-
nitricem crederet mox fu-
turam. Jam te, Mater mi-
sericordiæ, per ipsum sin-
cerissimæ tuæ mentis af-
fectum, tuis jacens pro-

voluta pedibus luna, me-
diatricem sibi apud solem
justitiæ constitutam de-
votis supplicationibus in-
terpellat? ut in lumine
tuo videat lumen, et solis
gratiam tuo mereatur ob-
tentu, quam vere amavit
præ omnibus, et ornavit
stola gloriæ induens, et
coronam pulchritudinis
ponens in capite tuo.

Te Deum laudamus.

Ad Bened. Añã. Non fecit
taliter omni nationi,
et judicia sua non mani-
festavit eis.

**In ij. Vesperis, omnia
ut in Festis B. M. V. per
Annum, excepta Añã ad
Magnif. Leva in circuitu
oculos tuos, et vide : Om-
nes isti congregati sunt,
venérunt tibi : filii tui de
longe venient, et filia
tuæ de latere surgent.**

**Benedictio et Impositio Scapularis Caerulei****B. Mariæ V. Immaculatae.**

PROPR. CLER. REGUL. THEATINORUM.

QUI suscepturus est
scapulare, genufle-
ctat : et Sacerdos super-
pelliceo et stola alba indu-
tus, capite detecto, dicat
absolute :

V. Adjutorium nostrum
in nomine Domini. **R.** Qui
fecit coelum et terram.

V. Dominus vobiscum.

R. Et cum spiritu tuo.

Orémus.

Domine Jesu Christe,
qui tegimen nostræ
mortalitatis induere di-
gnatus es, tuæ largitatis
clementiam humiliter im-
ploramus : ut hoc genus
vestimenti, quod in ho-
norem et memoriam Con-
ceptionis beatæ Mariæ
Virginis immaculatae, nec
non ut illo induti exèrent
in hominum pravorum
morum reformationem,
institutum fuit, bene **†**di-
cere digneris; ut hic fá-
mulus tuus, qui eo usus
fuerit (vel hæc fámula
tua, quæ eo usa fuerit;
si plures suscepturi sint,
dicatur : hi famuli tui qui
eo usi fuerint; vel : hæc
fámula tuæ quæ eo usæ
fuerint), eadem beata Ma-
ria Virgine intercedente,
te quoque induere mereá-

tur (vel mereantur). Qui
vivis et regnas in sæcula
sæculorum.

R. Amen.

Postea Sacerdos nihil di-
cendo aspergit scapulare
vel scapularia Aqua bene-
dicta : deinde illud impo-
nit, dicens :

Accipe frater (vel soror)
scapulare Conceptionis
beatæ Mariæ Virginis im-
maculatae : ut, ea inter-
cedente, veterem homi-
nem exutus (vel exuta) et
ab omni peccatorum in-
quinamento mundatus (vel
mundata), ipsum perferas
sine macula, et ad vitam
pervenias sempiternam.
Per Christum Dominum
nostrum.

R. Amen.

Postea subjungit :

Et ego, ex facultate mihi
concessa, recipio te (vel
vos) ad participationem
bonorum omnium spiri-
tualium, quæ in Clericó-
rum Regulárium Congre-
gatione ex grátia Dei
fiunt, et quæ per sanctæ
Sedis apostólicæ privile-
gium concessa sunt.

In nomine Patris, et Fi-
lii **†**, et Spiritus sancti.
R. Amen.

Describat nomen ejus (vel nomina eorum) in libro consueto : et dicat, trina vice, flexis genibus, Orationem sequentem vulgari sermone una cum ascripto (vel ascriptis).

Laudes ac gratiæ sint omni momento sanctissimo ac divinissimo Sacramento.

Et benedicta sit sancta et immaculata Conceptio beatæ Virginis Mariæ.

Hortetur fideles ut hæc elogia sæpe sæpius repetant ad Indulgentias 200 dierum consequendas.

(Rescr. Pii VI. die 21. Nov. 1793; Decr. Pii VII. die 30. Junii 1818.)



Concordat cum originali. — IMPRIMATUR.

Tornaci, die 8 Octobris 1901.

VICT. DUREZ Vic. Gen.

Calendarium.

September.

II.	S. Antonini Martyris, duplex	I
III.	Octava S. Josephi Calasanctii Conf. duplex, in diversis	4
Eadem die,	BB. Joannis et Petri Martyrum, duplex	8
IV.	S. Rosaliæ Virg. Panormitanæ, semiduplex	11
Eadem die,	Octava S. Augustini Episc. Conf. duplex	11
V.	Commemoratio S. Juliani Episc. Conchensis et Conf. duplex	13
IX.	S. Mariæ a Capite nuncupatæ, duplex	15
XII.	B. Thomæ a Spiritu sancto Martyris, duplex	17
XVII.	S. Petri de Arbues, Mart. duplex	19
XVIII.	S. Thomæ a Villanova Episc. et Conf. duplex	21
XXIII.	S. Theclæ Virg. et feminarum Protomartyris, duplex j. classis cum Octava, in Prov. Tarrac.	21
XXIV.	Descensionis B. M. V. de Mercede, duplex j. classis cum Octava	26
Eadem die,	B. Dalmatii Monerii Conf. Ordinis Præd. dupl.	35
XXV.	S. Mariæ de Cervellione, alias de Subsidio, Virginis, duplex	37
XXVIII.	B. Simonis de Roxas, Conf. duplex	37
XXX.	Octava S. Theclæ, duplex, in Prov. Tarrac.	39

October.

I.	S. Angeli Regni Custodis, duplex ij. classis cum Octava	42
II.	SS. Angelorum Custodum, duplex majus	50
III.	Die ij. infra Octavam S. Angeli Custodis Regni, semiduplex	50
V.	S. Froylani Episcopi et Conf. Patroni Eccl. et Diœc. Legionensis, duplex. In Ecclesia autem Cathedrali, duplex ij. classis	50
VII.	Die vij. infra Octavam S. Angeli Custodis Regni, semiduplex	53
VIII.	Octava S. Angeli Custodis Regni, duplex	55
X.	S. Francisci Borgiæ Confess. duplex ij. classis	55
Eadem die,	S. Ludovici Bertrandi, Conf. duplex	55
XII.	B. M. V. de Columna, duplex j. cl. cum Oct.	55
XV.	S. Teresiæ Virg. duplex ij. classis, in Hispan.	61
XVI.	Die V. infra Oct. B. M. V. de Columna, semid.	70
XIX.	S. Petri de Alcantara Conf. duplex ij. classis	72
Eadem die,	Octava B. M. V. de Columna, duplex	72
XXII.	S. Salome Viduæ, duplex ij. classis, in Civit. et Diœc. Compostell. Pro aliis dominiis Regi Catholico subjectis, duplex majus	75
XXIII.	S. Petri Paschasii Episc. et Mart. duplex	79

CALENDARIUM.

Eadem vel alia die, SS. Servandi et Germani Martyrum duplex	81
XXIV. S. Raphaelis Archangeli, duplex	83
Eadem die, S. Bernardi Calvo Episcopi et Conf. duplex ij. classis	83
XXV. SS. Gavini, Prothi et Januarii Martyrum Turritanorum, duplex. Commemoratio SS. Chrysanthi et Dariae MM.	86
Eadem vel alia die, S. Fructi Conf. et Eccl. Segov. Patroni, dupl. Comm. SS. Chrysanthi et Dariae MM.	88
XXIX. S. Narcissi Episc. et Mart. Patroni Civit. ac Dioc. Gerundensis, duplex j. classis cum Octava, in Dioc. Gerund.	95
In reliquis Diocesisibus, duplex	104
November.	
Dom. II. Patrocinii B. M. V. duplex majus	105
III. SS. Innumerabilium Martyrum Caesaraug. dupl. Comm. SS. Vitalis et Agricolae MM.	105
V. Octava S. Narcissi Episc. et Mart. duplex, pro dioc. Gerundensi.	107
XV. S. Eugenii Mart. Archiepisc. Toletani et Patroni, duplex	109
XVII. S. Gertrudis Virg. duplex ij. classis, pro principatu Catal.	112
Eadem die, SS. Aciscli et Victoriae Mart. duplex	121
XXIV. S. Joannis a Cruce, duplex ij. classis	123
XXVI. Desponsat. B. M. V. cum S. Joseph, duplex majus. Commem. S. Petri Alexandr. Episc. Mart.	123
Officium votivum S. Jacobi, Hisp. Apost. et Patroni, semiduplex	128
Officium votivum B. M. V. Immaculatae in Sabbato, Semid.	136
Officium B. M. V. de Guadalupe Mexicanæ sive Regni Novæ Hispaniæ Patronæ	137



Proprium Sanctorum

—*— Mexicanorum. —*—

PARS AUTUMNALIS.

DIE XXX. AUGUSTI.

S. Rosæ a S. Maria Virginis Limanæ, ac princip. Patr. totius Americæ. Dupl. j. cl. cum Octava.

Omnia ut in Brev. Rom, præter Lect. j. Noct., quæ leguntur De virginibus. (et omni Commemor.) SS. MM. Felicis et Adacti, cujus loco dic. Lectio ix. de Comuni.

DIE VI. SEPTEMBRIS.

In Octava
S. Rosæ a S. Maria Virginis. Duplex.
Omnia ut in die, præter sequentia.

In j. Noct. Lect. de Script. occur.

In II. Nocturno.
De Epistola sancti Hieronymi Presbyteri ad Eustochium.

Lectio iv.
De custodia Virginitatis.

DE virginibus, inquit Apóstolus, præceptum Domini non habeo. Cur? quia et ipse ut esset virgo, non fuit impérii, sed propriæ voluntatis. Neque enim audiendi sunt, qui eum uxorem habuisse confingunt; cum de continentia disserens, et suadens perpétuam castitatem, intulerit : Volo